

# *verenigde protestantse gemeente van curaçao*

Kerkelijk bureau  
Fortkerk-Fort Amsterdam, tel. 461-1139; fax 465-7481  
P.O. Box 4194

Korsow, 17 juni 2013.

Deklarashon pa konmemorashon di abolishon di sklabilitut den Reino Hulandes dia 1 di juli 2013.

## *Sirkunstansia di biba i traha di katibunan*

Sklabilitut pa siglonan tabata un fenómeno aseptabel den nos komunidad.

Pero for di fuentenan históriko i investigashonnan históriko nos sa ku durante siglonan 18 i 19, hopi katibu mester a biba i traha bou di sirkunstansianan inhumano. Tambe riba nos isla Korsou. A trasladá katibunan bou di situashonnan horibel for di África Oksidental via Oséano Atlántiko pa nos isla. Tabata mira morto di katibunan durante e biahe simplemente komo algu trágiko den sentido ekonómiko.

Ta'tin eksepsion, pero e bista general di e situashon di biba i traha di katibu riba nos isla ta negativo. E rebelión bou di guía di Tula na 1795 no a kai fo'i shelu.

## *Iglesia Protestant e tempu ei: aprobashon silencioso òf abierto*

Den iglesia protestant dje tempu ei no a hasi nada kontra e situashon aki. Ku konosementu i kompreshon ku ta'tin e tempu ei, asta nan tabata konsiderá tenementu di katibu komo algu hustifiká pa Beibel. Tabata konsiderá katibunan komo opheto na lugá di un hende kompletu. E maldishon di Noe pa su nietu Kanaan (Genesis 9) a hunga un rol importante. Ta'tin protestant tambe ku ta'tin katibu.

## *Iglesia Protestant awe: humildat*

Komo protestantnan di Korsou djawe, nos ta sinti nos mes konektá ku e protestantnan di antes. Nos ta mesun kurpa dor di siglonan. Pero nos tin nos konosementu históriko i teológiko djawendia. Desroyo di kompreshon ta pone ku - teniendo kuenta ku e konosementu djawó - nos ta humiyá nos mes pa e erornan kometé pa nos antepasadonan. Pa e erornan ei nos ta pidi pordón ku un kurason sinsero, na desendientenan di esnan ku a sufri pisá bou di aktitut di Iglesia Protestant relashoná ku katibunan.

## *Futuro*

Komo protestantnan na Korsou den siglo 21, nos lo resistí sistemanan moderno di sklabilitut i diskriminashon riba nos isla. Nos ta luchando pa rekonsiliashon total.

Konsego Sentral di V.P.G.